

## **Buku na Nzambe - Protection Scriptures**

**Yeremia 1:18** **Banda lelo nakumisi yo makasi, lokola vile oyo batongi makasi, lokola likonzi ya ebende, to mir ya bronze, liboso ya batu nyoso ya mboka Yuda, liboso ya bakonzi, bankolo, mpe banganga-Nzambe.**

**Ezekiele 3:18** "Ntango mosusu nakoki kolinga okebisa motu moko ya masumu ete azali kokende na liwa; soki yo okebisi ye te ete abongola bizaleli na ye mpo akoka kobika, motu yango akokufa kati ya mabe na ye; kasi yo nde okomema ngwanga ya liwa na ye.

**Yeremia 6:27** "Yo Yeremia, nati yo lokola ndako ya makasi ya molai na likolo mpo ozala kotala batu na ngai, mpo oyeba mpe omeka nzela na bango.

**Levitike 26:19** Mpo na kosilisa lolendo na mutu makasi na bino, nakosopela bino lisusu mbula te, nakokumisa likolo makasi lokola ebende, mpe mabele ekokuma makasi lokola bronze.

**KozongelaMibeko 23:6** Kasi Nkolo Nzambe na bino aboyaki koyoka maloba ya Balama; mpo alingaka bino, akumisaki kotuka wana mapamboli.

**Baroma 12:21** Tika mabe koleka yo te. Kasi oleka mabe mpo na kosala malamu.

**Njembo 143:8** Banda na ntongo lakisa ngai bolamu na yo, mpamba te natiaka motema epai na yo. Monisa ngai nzela oyo nakoki kolanda, mpo namipesa epai na yo.

**Njembo 143:10** Lakisa ngai nasala bobele ndenge yo olingaka, mpo yo ozali malamu, ozali Nzambe na ngai; Molimo na yo amema ngai na esika oyo ekoki.

**Njembo 94:12** Nkolo, esengo na motu yo opamelaka, olakisaka ye mibeko na yo.

**Maloba Mayele 27:12** Motu ya mayele oyo akebaka, soki amoni mabe abombanaka; amibatelaka mpo bampasi ezwa ye te. Kasi bazoba bakebaka te, mpe bazwaka etumbu.

**Bafilipo 2:16** kotalisa bango maloba na bomoi. Soki bosali boye, nakosepela mpo na bino na mokolo na Kristo, mpo oyo ekotalisa ete mosala na ngai mpe makasi na ngai ezalaki mpamba te.

**Isaya 49:4 Kasi ngai nazalaki koloba:** "Nasali mosala ya mpamba, nasalisi makasi na ngai bobele mpamba." Nzokande Nkolo azali kotala likambo na ngai; Nzambe na ngai abombeli ngai lifuti.

**Njembo 76:4 Kuna nde abukaki bambanzi, mipanga, nguba mpe biloko nyoso ya bitumba.**

**Baebere 13:21 Ekoki Nzambe na kimia apesa bino nguya na kosala makambo nyoso oyo ezali malamu, boye bokokisa likambo ye alingi. Ekoki ye akokisa na motema na biso mpo na Yesu Kristo likambo oyo ezali malamu na miso na ye. Ekoki nkembo ezala na Yesu Kristo mpo na seko. Amen.**

**1 Bakorinto 16:15 Boyebi Setefano mpe libota na ye. Bazalaki batu na liboso na kobongola motema na mokili na Bagreke mpe babandaki kosalela batu na Nzambe.**

**Bafilipo 1:27 Kasi, likambo monene koleka ezali soki ezaleli na bino ezali na ndenge oyo ekokani na Nsango Malamu na Kristo. Boye, soki nakumi komona bino, to nakumi te, nakoyeba ete bozali kotelema makasi, kozala moko kati na makanisi moko, mpe bozali kobunda esikamoko na motema moko mpo na kondima oyo euti na Nsango Malamu.**

**1 Bakorinto 15:58 Boye bandeko na ngai na bolingo, botelema makasi mpe koningana te. Bosala mosala na Mokonzi na motema moto, mpo boyebi kati na lisanga na bino elongo na Yesu, mosala oyo bozali kosala ezali mpamba te.**

**Bakolosai 4:12 Epafura, oyo azali motu moko na bino lokola, apesi bino mbote. Ye mosali na Yesu Kristo, azali kobondela makasi mpo na bino na kotika te ete botelema makasi, batu na kokola kati na molimo, tayari nyoso mpo na kokokisa makambo nyoso oyo Nzambe alingi.**

**2 Bakonzi 19:34 Nakobatela Yerusalem mpe nakobikisa yango, mpamba te ngai nazali Nzambe; nakokokisa elaka oyo napesi mosali na ngai Davidi."**

**Yeremia 15:20,21 Na miso na bango nakokumisa yo lokola lopango ya bronze oyo ebukanaka te. Bakobundisa yo, kasi bakokoka kolonga yo te, mpamba te ngai nazali elongo na yo, mpo na kobatela mpe kobikisa yo. 21 Nakolongola yo na loboko ya batu mabe, nakobikisa yo na loboko ya batu ya mobulu. Nkolo alobi boye."**

**Njembo 55:1819 Abateli ngai, alongoli ngai na maboko ya banguna, ata lokola bango bazalaki ebele.**

**Ezekiele 30:24 Nakobakisa nguya ya mokonzi ya Babelona mpe nakotia mopanga na ngai na maboko na ye. Nakobuka maboko ya Farao; mpe akonganga lokola motu oyo azoki pota na liwa.**

**Emoniseli 3:18 Mpo na oyo napesi yo kosei na kosomba na maboko na ngai or oyo batu basili kopetola na moto, mpo ete ozala na mosolo. Somba na maboko na ngai mpe bilamba mpembe mpo na kolata, mpe mpo na kobomba nzoto na nsoni na yo. Mpe somba lokola nkisi na kotia na miso na yo boye okoki komona.**

**1 Yoane 3:17 Soki motu na mosolo amoni ndeko na ye kati na bozangi, mpe motu yango akangi motema na ye, ndenge nini motu yango akoki koloba ye azali na bolingo na Nzambe kati na motema na ye?**

**Isaya 50:4 Nkolo Nzambe alakisaki ngai eloko nasengeli koloba mpo nayeba maloba ya mpiko mpo na batu oyo balembi. Ntongo nyoso ayokisaka ngai mposa ya koyoka, ndenge bayekoli bayokaka.**

**Njembo 18:3940 Opesaka ngai makasi ya kobunda; mpe okweisaka batu oyo bayeelaka ngai etumba.**

**2 Samuele 22:40 Opesaka ngai makasi ya kobunda; mpe okweisaka batu oyo bayeelaka ngai etumba.**

**Njembo 89:44 Osilisi makasi ya bibuneli na ye; osalisi ye te na ntango ya bitumba.**

**Ezekiele 13:6 Bimoniseli na bango ezali mpamba, mpe kosakola na bango ezali ya lokuta; balobaka: Nkolo asili koloba! Nzokande Nkolo atindi bango te; mpe bazalaka na elikia ete maloba na bango ekokokisama.**

**Levitike 26:37 Bakokweya moko likolo na mosusu lokola bakweyaka liboso na mopanga, ata motu moko alandi bango te. Bokokoka kotelema liboso na banguna na bino te.**

**1 Bakorinto 14:8 Mpe soki ngonga ebeti polele te mpo na kobenga batu, nani akomitandisa mpo na etumba?**

**Yobo 15:24 Mpasi mpe kobanga ekotelaka ye, lokola mokonzi oyo akiteli monguna na ye.**

**1 MakamboBakonzi 12:9 Batu mosusu ya motinda ya Gada batikaki bandeko na bango, bakei kosangana na Davidi esika**

**abombanaki na esobe. Ezalaki bilombe ya basoda, bayekoli kobunda mpe bayebi kosalela nguba mpe makonga. Bazalaki makasi lokola bantambo, mpe mbango lokola bamboloko likolo ya bangomba.**

**1 MakamboBakonzi 12:34** Na motinda ya Zebuluna, basoda nkoto ntuku mitano, oyo bamilengeli malamu mpo na etumba, bayebi kosalela bibuneli ya ndenge na ndenge, mpe bazali na motema moko bango nyoso.

**1 MakamboBakonzi 12:39** Basoda nyoso wana bayaki na Ebron na motema moko, mpo na kotia Davidi mokonzi ya Israele mobimba. Bango nyoso bayebaki kobunda. Baisraele mosusu nyoso mpe bandimaki ndenge moko.

**Luka 10:19** Boyoka: nasili kopesa bino nguya na konyata nyoka mpe dapaya na makolo, mpe na koboma nguya nyoso na monguna. Eloko moko te ekoki kosala bino mabe.

**2 Bakorinto 7:10** Mpo mawa oyo Nzambe asalelaki yango ebongwaka motema, ekambaka na nzela na lobiko, mpe motu abanga mawa na motema na ye mpo na yango te. Kasi mawa na mokili ebotaka kokufa.

**2 Timoteo 2:25,26** esengeli alakisa na boboto batu na kotia ntembe epai na ye: soki Nzambe akopesa bango nzela na kobongwana mpe koyeba likambo ya solo. 26 Bongo bakokanisa malamu lisisu, mpe bakolongwa na moteko na Satana oyo akangaki bango mpe atiaki bango na kotosa mokano na ye.

**Nemaya 4:9** Banguna na biso bayoki ete tosili koyeba makambo bango balingaki kosala. Boye Nzambe abebisaki makanisi na bango. Bongo biso nyoso tozongeli mosala ya mir, motu na motu na mosala na ye.

**Njembo 73:24** Ozali kotambwisa ngai na ndenge yo olingi; nsima okoyamba ngai na lokumu.